

## **Miss Fortuna**

We am Horizont kes Liecht meh brönnt und du hesch nümme z lache und dr Schmärz schynt unvergänglich, jedes Mal nach em erwache we dr Näbu no so dicht isch, irgendwann schynt d Sunne dri und irgendeinisch tout dr See uf, är cha no so gfroore si

**Eines Tages Miss Fortuna, chlopfsch du wieder a mi Tür  
I weiss, i cha nid eifach warte – i muess o öppis tue derfür  
I gloube dra und giben alles, i han e mächtig länge Schnuuf  
o we mir no so viu im Wäg steit, i giben eifach nid uuf,  
i giben nid uuf**

O we Au die um di ume, nümme a di gloube tue ds Handtuech nid grad wärfe, la di diner Tröim o nid beroube für all di Frage wo uftouche, treisch en Antwort i dir inn irgendwann wird alles klarer, irgendwann git alles e Sinn

Und us de Steine, wo me dir i Wäg leit, bousch dir nadisna e Brügg zu neuen Ufer, e so, dass es cha wytergah we dr Näbu no so dicht isch, irgendwann schynt d Sunne dri und irgendeinisch tout dr See uf, är cha no so gfroore si

**Eines Tages Miss Fortuna, chlopfsch du wieder a mi Tür  
I weiss, i cha nid eifach warte – i muess o öppis tue derfür  
I gloube dra und giben alles, i han e mächtig länge Schnuuf  
o we mir no so viu im Wäg steit, i giben eifach nid uuf,  
i giben nid uuf – i giben eifach nid uuf  
i giben nid uuf – i giben eifach nid uuf  
i giben nid uuf**